

2020


TE TĀPAETANGA PŌTI MŌ TE RAUHEA KI AOTEAROA

Pātai Putuputu

1

HE AHA TE TĀPAETANGA PŌTI?

He pōti mō tētahi pātai motuhake. I te nuinga o te wā, he pōti **ĀE**, he pōti **KĀO** rānei.



2

KA AHA I TE TĀPAETANGA PŌTI?

He mana tō ētahi tāpaetanga pōti ki te paihere, arā, i raro i te ture me whakatinana e te Kāwanatanga te otinga o te tāpaetanga pōti. Manohi anō, kāore he mana tō ētahi atu tāpaetanga pōti ki te paihere, arā, ehara i te mea me whai te kāwanatanga ngā huanga o te tāpaetanga pōti.

3

PĒHEA AU E TUKU PŌTI AI I TE TĀPAETANGA

Mehemea kua rēhita koe ki te tuku pōti, ka taea e koe te tuku pōti i te tāpaetanga pōti. Ka mērāhia ki a koe ngā kōrero mō te tuku pōti, ā, ka taea e koe te tuku pōti ā-tinana, i te rā pōti, te tuku tōmua rānei i tō pōti.



TE TUKANGA TĀPAETANGA PŌTI

I tēnei tau, e orua ana te whakahaerenga o te tāpaetanga pōti rauhea me te kōwhiringa pōti whānui (mō ngā MP me ngā pōti Pāti) nō reira e pai ana kia orua tāu tuku pōti koe i aua pōtitanga. Ka āhei te pēnei ahakoa ka tuku pōti koe i tāwāhi, i te rā pōti rānei, ka tuku pōti tōmua kē rānei koe i te 3 o Rāhoroi o hiringa-ā-nuku.

E rēhita ai koe ki te tuku pōti, e pānuī ai rānei mō te tuku pōti, toro atu ki www.vote.nz

TE TĀPAETANGA PŌTI MŌ TE RAUEA KI AOTEAROA 2020

HE AHA TE PĀTAI I TĒNEI TĀPAETANGA PŌTI?

E tautoko ana rānei koe i te
Pire Cannabis Legalisation and Control Bill?

Ka āhei koe ki te pōti:



E ahu mai ana te pātai i tētahi pire e marohitia nei, nō reira, me mātau ngā kaituku pōti he aha ngā kai o roto i te pire e taea ai e rātou te whakatau i runga i te mōhio.

Mō te roanga ake o ngā kōrero, tūhono atu ki:
www.referendums.govt.nz/cannabis/summary.html

PAIHERE KI TE PAIHEREKORE

He tāpaetanga pōti paiherekore te tāpaetanga pōti rauhea.

Nō te mea he **paiherekore** te tāpaetanga pōti, he ahakoa tonu ka pōti i te **ĀE** te nuinga, ehara i te mea ka whakaturetia tonutia te pire e marohitia ana.



Me taupatupatu, me whiriwhiri hoki te pire i te whare pāremata, ā, ka whai āheinga te marea ki te tuku urupare mō te pire.



HE AHA KEI ROTO I TE PIRE?

KEI ROTO I TE PIRE CANNABIS LEGALISATION AND CONTROL BILL E MAROHITIA NEI:



Me 20 tau te pakeke o te tangata e āhei ia ki te hoko, kai rānei i te rauheā.




Ka whakaaetia e te ture kia kainga te rauheā i ngā kāinga tūmataiti me ngā wāhi raihana anake.



Te rauheā whakatupuria i te kāinga – e rua tupu mā ia pakeke; me kaua e neke ake i te whā tupu i ia whare.



14 karamu te mōrahi e whakaaetia ana kia hokona, kia puritia rānei e te tangata i ia wā, i ia wā.



Toha ā-rōpū – e pai ana kia tohaina ki ngā pakeke 20 tau, neke atu rānei, te pakeke engari me utukore.

NGĀ HERE MŌ TE MĀKETE RAUHEA



Ka whakatīkina te nui o te rauheea e wātea ana i te māketē ki Aotearoa nei.



He motuhake ngā raihana mō te whakatupu, me te hoko, me ngā wāhi e pai ana kia kainga te




E kore e whakaaetia kia hokona ngā hua rauheea ki ngā wāhi hoko tupeka, waipiro rānei.



He here mō ngā whakamataaratanga me ngā pānui hokohoko – me tōkaumore ngā tākai, ā, ka rāhui katoatia ngā tautoko ā-pūtea.

20%

E kore e taea e tētahi kaiwhakatupu rauheea te whakarato i tua atu i te 20% o te putunga ā-motu o te rauheea.



Ka tohatoha tētahi wāhanga o te whakatupu rauheea e ōrite ai te whai wāhi a te iwi Māori me ngā hapori rawakore.



Tapekehia ai ki ngā utu rauheea ko te tāke, me te GST, me te tāke pūtea tautoko. Tāpuitia ai ngā take pūtea tautoko mā ngā kaupapa whakamātūtū, ako rānei.




He whakaritenga kia whakaaturia ngā pānui hauora tūmatanui i ngā wāhi hoko me ngā taonga hoko.




Mō te hunga kua whiua mō te kai whaiaro i te rauheea te take, e kore rātou e whakatupea aunoatia i te whai raihana ki te whakatupu i te rauheea.


NGĀ HERE MŌ NGĀ TAONGA HOKO RAUHEA




Ka whakatīkina te nui o te THC (he pūhui matū oho mō te hinengaro) i ngā rauhea e whakaturia ana, e hokona ana hoki.



Ka rāhuitia ngā inu i whakaawetia ki te rauhea, ngā taonga hoko wero me ngā taonga hoko e whakauru ana i te tupeka, i te waipiro rānei.




Ko te rauhea mata, amikuka hoki, me ngā tupu katoa me ngā kākano anahe e whakaae tuatahitia ana. Ka whaiwhakaarotia te whakaurunga o ētahi taonga hoko pērā i ngā kai ā muri ake nei.



Ka whakatīkina te nui o te rauhea e whakaturia ana, ko te whāinga matua kia whakahekea te kainga me te whakapoapoa mai i ngā kaiwhakamahi i te māketi pango.

TE ŪRUHITANGA O NGĀ WAETURE



Mā tētahi Mana Rauhea ā-Motu e whakatau mō ngā raihana rauhea, me te whakahaere i te mākete rauhea ā-motu me te tuku rīpoata mō te ahu whakamua ki te kāwanatanga.



Ko te aronga o ngā whaina me te maunga herehere he whakatenatena kia whakamahia te mākete e ngā kaiwhakarato me ngā kiritaki o ngā taonga



Ka taea pea ngā whaina mā te hunga **kei raro i te 20 tau te pakeke** te muku mehemea ka whakaaetia e te tangata kia whai wāhi ki tētahi kaupapa whakamātūtū, ako rānei.



Mō te taha ki ngā hoko kāore e whakaaetia ana e te ture, tērā te tūpono ka whainahia ngā pakihi mō te \$100,000 te mōrahi, ā, ka mate hoki pea kia rua tau ngā tāngata e mauhereheretia ana.



Mō te hoko atu ki te hunga **kei raro iho i te 20 tau te pakeke**, tērā te tūpono ka whainahia ngā pakihi mō te \$150,000 te mōrahi, ā, ka mate hoki pea kia whā tau ngā tāngata e mauhereheretia ana.



He tino iti iho ngā whaina mō ngā takahitanga mō te whakamahi whaiaro hei tauira \$500 mō te pupuri i te rauhea e neke ake ana i te 14k te mōrahi, te kai tūmatanui i te rauhea rānei, te puritanga rānei e te hunga kei raro i te 20 tau te pakeke.

HE AHA TE PĀNGA O TE WHAKATAU ĀE / KĀO KI TŌ HAPORI?



Ki te **ĀE** ngā pōti, ka tukuna te pire e marohitia nei ki tētahi tukanga kōmiti whiriwhiri. Hei reira e tautohea ai, e whiriwhiria ai hoki te pire i te pāremata. Ki te whakaturetia, ka whakamanatia te hokonga me te kainga o te rauhea. Ahakoa tērā, ka whakaturetia he waeture he here anō hoki hei whakahaere i te mākete rauhea, ā, ka mate anō kia ūruhina.



Ki te **KĀO** ngā pōti i te tāpaetanga pōti rauhea, kāore ngā ture rauhea e tīnīhia. I tēnei tūāhua, e rua ngā pire e here ana i te whakamahinga o te rauhea, arā, te 1975 Misuse of Drugs Act, me te 2019 Misuse of Drugs Act Amendment.

Mō ngā hapori, he maha kē pea ngā painga ka hua ake i te whakaturetanga. Mō te hunga pakeke kei runga ake i te 20 tau te pakeke, ka māmā ake te āheinga ake ki ngā taonga hoko rauhea e haumaruru ake ana, e ture ana hoki. Waihoki, tērā ngā āheinga ka puare ki ngā tāngata takitahi rātou ko te hunga kua whiua mō te pupuri rauhea kia uru ki tētahi mākete rauhea whaimana.

HE AHA TE KAUPAPA HERE PŪROI?

E ārahi ana te Kaupapa Here Pūroi i tā te motu whakahaere i te whakaratonga me te whakamahinga o ngā pūroi e te marea. Ko te whāinga matua o te kaupapa here pūroi a Aotearoa he whakaiti i te nui o ngā raruraru hauora, pāpori hoki e ara ake ana i ngā pūroi. Ko ngā ture me ngā waeture pūroi me ngā whakaarotau mō te whakaritenga, me ngā pānui hauora me ngā whakataunga rongoā, haumanu rānei ētahi wāhanga o te kaupapa here pūroi. E whakamāramatia ana ēnei i te National Drug Policy 2015-2020, me ngā ture mō te waipiro me te tupeka me ngā pūroi kore mana.



HE AHA TE WHAKAHŌU TURE PŪROI E WHAI TIKANGA NEI?

E whai tikanga ana te whakahōu ture pūroi mehemea kāore te ture e eke ki ngā hiahia me ngā tūmanako o te hapori. E whai tikanga ana te whakahōu ture pūroi mehemea kāore te ture e eke ki ngā hiahia me ngā tūmanako o te hapori. Engari, e āhei ana ngā ture pūroi ki te whakaheke i ngā raru, hei tauira, mā te whakaheke i te nui o ngā pūroi e wātea ana, mā te uta i ngā tepenga mō te taraiwa-haurangi me te whakarite tau iti rawa atu mō te hoko waipiro. E noho haumaruru ai ō tātou hapori, he mea nui kia arotahi ake ki te hanga ture pūroi taurite, hauora hoki, ā, me whakangao pūtea tonu ki ngā ratonga hauora, pāpori hoki e whai hua ana.



MŌ TE ROANGA AKE O NGĀ KŌRERO

www.vote.nz

www.referendums.govt.nz/cannabis/summary.html

www.facebook.com/cayadauckland

